

ხელშეკრულება სახელმწიფო შესყიდვის შესახებ

ქ. თბილისი

2018 წელი

1. ხელშეკრულების დამდები მხარეები

ერთის მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), მისი ----- სახით და მეორეს მხრივ, ----- (შემდგომში „მიმწოდებელი“), მისი ----- სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, ---- ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე, თუ სხვა რამ არ არის მითითებული.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – ფიზიკური ან იურიდიული პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი და ობიექტი

- 3.1 ----- სახელმწიფო შესყიდვა (CPV – 71300000).
- 3.2. წინამდებარე ხელშეკრულებას ერთვის და წარმოადგენს მის განუყოფელ ნაწილს:

4. ხელშეკრულების ღირებულება

- 4.1. ხელშეკრულების ღირებულება შეადგენს — () ლარს.
- 4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. ხელშეკრულების შესრულების კონტროლი

- 5.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს - შემსყიდველის ----სამმართველოს თანამშრომელ(ებ)ი.
- 5.2. შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

6. შესყიდვის ობიექტის მიღება-ჩაბარების წესი

- 6.1. მომსახურების მიღება-ჩაბარება დასტურდება საბოლოო მიღება-ჩაბარების აქტით, რომელსაც ადგენენ და ხელს აწერენ მხარეთა უფლებამოსილი წარმომადგენლები, სატენდერო დოკუმენტაციის 1.4. პუნქტით გათვალისწინებული ყველა ეტაპის დასრულების შემდგომ.

6.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია: - - -

6.3. მიღება-ჩაბარების აქტი დგება სამ ეგზემპლარად, რომელთაგან ორი გადაეცემა შემსყიდველს, ხოლო ერთი მიმწოდებელს.

7. მიწოდების პირობები

7.1 შესრულების ვადა - სატენდერო დოკუმენტაციის შესაბამისად.

7.2 შემსყიდველ იძენს საავტორო უფლებას მიმწოდებლის მიერ შედგენილ სრულ დოკუმენტაციაზე.

7.3. მიმწოდებელი იღებს ვალდებულებას, განახორციელოს პროექტის საავტორო ზედამხედველობა, მშენებლობის სრული პერიოდის განმავლობაში, საჭიროების შემთხვევაში მოამზადოს საკორექტირო დოკუმენტაცია, ასევე არქიტექტურის ცვლილების შემთხვევაში შეათანხმოს პროექტის კორექტირების ცვლილება მერიის არქიტექტურის სამსახურთან.

7.4. პროექტის საავტორო ზედამხედველობის ფარგლებში, თითოეული ანგარიში წარდგენილ უნდა იქნას 7.6. პუნქტით დადგენილი ფორმით და ადგილას.

7.5. პროექტის მიწოდების ადგილი: ქ. თბილისი, ძმები ზუბალაშვილების ქ. #32 (სსიპ საერთო სასამართლოების დეპარტამენტი).

7.6. წარმოდგენილი უნდა იყოს ელექტრონული ვერსიები 3 ეგზემპლარად CD-დისკზე (ტექსტური ნაწილი Word და Excel ფაილების სახით, ხოლო ნახაზები -PLN/PLA/ DWG, ასევე Lira -კონსტრუქციები და PDF ფორმატში).

7.7. ხელშეკრულების მოქმედების ვადის ამოწურვის შემდგომ, მიმწოდებლის მიერ ნაკისრი პროექტის საავტორო ზედამხედველობის და მისგან გამომდინარე ვალდებულებები რჩება ძალაში მათ სრულად შესრულებამდე.

7.8. პირები, რომელიც პასუხისმგებელი იქნებიან ამ ტენდერით გათვალისწინებული ვალდებულების შესრულებაზე, არიან:

7.9 მომსახურების განხორციელებისას 7.8. პუნქტში ჩამოთვლილი რომელიმე პირის ცვლილების შემთხვევაში, მიმწოდებელი ვალდებულია დაუყოვნებლივ წერილობით შეატყობინოს შემსყიდველს. შეტყობინებას უნდა დაერთოს ჩანაცვლებული პირის ანალოგიური გამოცდილების დამადასტურებელი დოკუმენტები

8. ანგარიშსწორება

8.1. ანგარიშსწორება განხორციელდება ეროვნულ ვალუტაში - ლარში;

8.2. ანგარიშსწორების ფორმა - უნაღდო;

8.3. ანგარიშსწორების წესი: სატენდერო დოკუმენტაციის შესაბამისად

9. ხელშეკრულებაში ცვლილება

9.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა. ხელშეკრულების გადასინჯა ხდება საქართველოს კანონმდებლობით დადგენილი წესით;

9.3. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის, ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დამოკიდებული მხარეების შეცდომებთან

და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;

10.3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა ურთიერთობა

11.1. შემსყიდველი ვალდებულია, უზრუნველყოს მომსახურების ღირებულების ანაზღაურება ამ ხელშეკრულებით გათვალისწინებულ ვადებში;

11.2. მიმწოდებელი უფლებამოსილია, მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში;

11.3. მიმწოდებელი ვალდებულია შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით.

12. ხელშეკრულების პირობების შეუსრულებლობა

12.1. ხელშეკრულებით დადგენილი ნებისმიერი ვადის დარღვევისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების ღირებულების 0.02 %-ის ოდენობით.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.3. სახელშეკრულებო ვალდებულებების სრულად ან ნაწილობრივ შეუსრულებლობის, ან არაჯეროვნად შესრულების, ასევე მშენებლობის ნებართვის შეთანხმების ან დოკუმენტაციის ექსპერტიზის პროცესში დადგენილი ხარვეზ(ებ)ის გამოსწორებისთვის განსაზღვრული ვადის მიმწოდებლის ბრალეული ქმედებით დარღვევის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ჯამური ღირებულების 10%-ის ოდენობით.

12.4. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,02 %-ის ოდენობით.

12.5. წინამდებარე ხელშეკრულებით მხარეები თანხმდებიან, რომ მიმწოდებელს არ წარმოეშობა პირგასამტეხლოს გადახდის ვალდებულება ხარვეზის გამოსასწორებლად განსაზღვრულ პერიოდზე, ასევე ადმინისტრაციული ორგანოსთვის საჭირო განხილვის პერიოდზე, ასევე პარამეტრების ცვლილების თაობაზე შემსყიდველისთვის საჭირო გადაწყვეტილების მიღების პერიოდზე.

12.6. პროექტის საავტორო ზედამხედველობის ფარგლებში შემსყიდველის მიერ განსაზღვრულ გონივრულ ვადაში მომსახურების (საავტორო ზედამხედველობა, კორექტირება და სხვა) ვადის გადაცილებისთვის, თითოეულ დღეზე მიმწოდებელს ეკისრება პირგასამტეხლო წინამდებარე ხელშეკრულების საერთო ღირებულების 0,02% ოდენობით.

12.7. პროექტის საავტორო ზედამხედველობაზე უარის (ან უარის სხვაგვარად გამოხატვის) შემთხვევაში შემსყიდველი მიმწოდებელს განუსაზღვრავს გონივრულ ვადას, რომლის უშედეგოდ გასვლის შემთხვევაში, მიმწოდებელს ეკისრება პირგასამტეხლო წინამდებარე ხელშეკრულების საერთო ღირებულების 5% ოდენობით, ასევე მიმწოდებელი ვალდებულია შემსყიდველს აუნაზღაუროს ზიანი.

12.8. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების მოქმედების ვადა

13.1. ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს ----- ჩათვლით.

14.დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შესრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი ეგზემპლარი მიმწოდებელთან და ორი ეგზემპლარი - შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები: